

ԱՐՉԱՆԱԳՐՈՒԹՅՈՒՆ

ՀՀ Արարատի մարզի Գետազատ բնակավայրում գոյություն ունեցող դպրոցի տարածքում 288 տեղանոց դպրոցի կառուցման նախագծի վերաբերյալ հանրային լսում

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի /21.06.2014թ. ՀՕ-110-Ն/ համաձայն, ինչպես նաև ՀՀ կառավարության 19.11.2014թ. N 1325-Ն որոշման հավելվածի 5-րդ գլխով սահմանված կարգով 2025 թ.-ի հունվարի 16-ին ժամը 12:00-ին, ՀՀ Արարատի մարզի Գետազատ բնակավայրում վարչական ղեկավարի նստավայրում տեղի ունեցավ Սեյսմիկ անվտանգության բարելավման (ՄԱԲ) ծրագրի շրջանակում ՀՀ Արարատի մարզի Գետազատ բնակավայրի միջնակարգ դպրոցի կառուցման նախագծի վերաբերյալ հանրային քննարկում:

Հանրային քննարկման մասին հայտարարությունը 2024 թվականի դեկտեմբերի 10-ին տեղադրվել է Առավոտ օրաթերթում և Հայաստանի տարածքային զարգացման հիմնադրամի կայքում (ATDF) (atdf.am) և համայնքի կայքէջում:

Ծրագրի անվանում՝ ՀՀ Արարատի մարզի Գետազատ բնակավայրում գտնվող գոյություն ունեցող դպրոցի տարածքում **288 տեղանոց դպրոցի** կառուցում դպրոցների Սեյսմիկ անվտանգության բարելավման ծրագրի շրջանակներում:

Ծրագրի իրականացնող կազմակերպություն՝ Հայաստանի տարածքային զարգացման հիմնադրամ (ՀՏՁՀ):

Նախագծային կազմակերպություն՝ «Մառա և դուստրեր» ՍՊԸ
ՄԱՍՆԱԿՅՈՒՄ ԷԻՆ

Խ. Պողոսանը

Արտաշատի համայնքապետարանի գյուղատնտեսության ու բնապահպանության բաժնի գլխավոր մասնագետ

Լ. Գեղամյան

Գետազատ բնակավայրում գործող միջնակարգ դպրոցի տնօրեն

Գ. Հարությունյան

Գետազատ բնակավայրի վարչական ղեկավար

Ս. Գևորգյան

ՀՏՁՀ, սոցիալական մասնագետ

Մ. Հուսնյան

«Մառա և դուստրեր» ՍՊԸ, տնօրեն

Ա. Մարգարյան

«Մառա և դուստրեր» ՍՊԸ, ճարտարապետ

Ն. Նշանյան

«Մառա և դուստրեր» ՍՊԸ, ճարտարագետ

Գ. Գրիգորյան

Կապալառու կազմ. ներկայացուցիչ, ծրագրի ինժեներ

Մասնակցում էին նաև համայնքի բնակիչներ, այլ շահագրգիռ կողմեր: Մասնակիցների ընդլայնված ցանկը (2 էջ) և տեսաձայնագրությունը ներկայացվում է կից:

Օրակարգում

- 1) Երջակա միջավայրի վրա ազդեցության փորձաքննության ընթացակարգի ներկայացում
- 2) Դպրոցի նախագծի ներկայացում
- 3) Ենթածրագրին առաջադրվող բնապահպանական և սոցիալական պահանջների ներկայացում
- 4) Հարց ու պատասխան շահագրգիռ կողմերի հետ

Ելույթ ունեցան

1. Արտաշատի համայնքապետարանի գյուղատնտեսության ու բնապահպանության բաժնի գլխավոր մասնագետ Խ. Պողոսյանը հանդես եկավ ողջույնի խոսքով, ներկայացրեց հանդիպման նպատակը և մասնակիցներին:
2. Կապալառու կազմակերպությունը, ներկայացրեց ծրագրի շրջանակներում գործող բնապահպանական և սոցիալական երաշխիքները, ինչպես նաև բողոքների լուծման մեխանիզմը:
3. Ենթածրագրի ճարտարապետ Ա. Մարգարյանը ներկայացրեց դպրոցի կառուցման ճարտարապետական և կոնստրուկտիվ նախագծային լուծումները :

Հարցեր տրվեցին

1. Հարց 1. Նախատեսվող դասասենյակների քանակը բավարարո՞ւմ է արդյոք կիսվող դասարանների դեպքում:
Պատասխան. Ծրագրով նախատեսվում է բոլոր դասարաններից մեկական, բայց կան բազմաթիվ կաբինետներ և փոքր դասարաններ:
2. Հարց 2. Կենսաբանության և մնացած կաբինետները արդյո՞ք նախատեսվում են գույքով:
Պատասխան. Գույքը ծրագրի առանձին փաթեթ է, բայց այս ծրագրի շրջանակներում չէ:
3. Հարց 3 Ինչքա՞ն է դպրոցի հզորությունը և դասասենյակների քանակը:
Պատասխան. Դպրոցը նախատեսված է միջնակարգ 288 աշակերտի համար:
4. Հարց 4. Դպրոցն ունի նաև նախակրթարանի աշակերտներ: Արդյո՞ք նրանք էլ են հաշվի առնված նախագծում: Հնարավո՞ր է նրանց էլ տեղափոխել նոր կառուցվող դպրոցի մասնաշենք:
Պատասխան. Ոչ, նախակրթարանի աշակերտները հաշվի առնված չեն: Դպրոց տեղաբաժնվելու են միայն դպրոցի աշակերտները: Սա տիպային նախագիծ է, որը հաստատված է քաղաքաշինության և հիմնադրամի կողմից: Արվում է միայն շենքի տեղակապում: Այսինքն դպրոցը ինչպես նախագծված է տեղադրվում է տարածքում և իրականացվում է նրա 0,00 նիշից ներքև տեղակապումն ու բարեկարգումը: Կոնկրետ այս ծրագրի դեպքում նախակրթարանը ներառված չէ:
5. Հարց 5. Արդյո՞ք հողը պատկանում է դպրոցի տարածքին, թե՞ դա պետական սեփականություն համարվող հող է: Այգի, ծառեր նախատեսվո՞ւմ է: Ինպե՞ս է լուծվելու ոռոգման հարցը:

Պատասխան. Հողը պատկանում է դպրոցին, կանաչապատ գոտի ունենալու է: 2-րդ հանրային լսման ժամանակ կներկայացվի ոռոգման ցանցի լուծումները:

6. **Հարց 6.** Արդյո՞ք քանդվելու է գործող դպրոցը:

Պատասխան. Գործող դպրոցը չի քանդվելու:

7. **Հարց 7.** Ճանապարհներն ասֆալտապատ են, կամ նախատեսվո՞ւմ է արդյոք ասֆալտապատում:

Պատասխան. Նախագծով նոր դպրոցի ամբողջ տարածքի համար նախատեսվում է ասֆալտապատում:

8. **Հարց 8.** Արդյո՞ք առանձնացված են լինելու լույսը, գազը, ջուրը:

Պատասխան. Այո, առանձնացված են լինելու:

9. **Հարց 9.** Արդյո՞ք նախատեսված են հարմարություններ հենաշարժողական խնդիրներ ունեցող երեխաների համար:

Պատասխան. Այո, նախատեսված են սանհանգույցներ, վերելակ, թեքահարթակներ, դռների չափեր:

10. **Հարց 10.** Կանաչապատման մեջ նշվա՞ծ է արդյոք թե քանի ծառ ու թուփ է տնկվելու:

Պատասխան. Կտրամադրվի 2-րդ հանրային լսումներին:

11. **Հարց 11.** Արդյոք նախատեսված են մոտեցման ճանապարհներ:

Պատասխան. Այո, նախատեսված են:

12. **Հարց 12.** Ե՞րբ կսկսվի շինարարությունը:

Պատասխան. Դեռ կլինի 2-րդ հանրային լսում և կախված առկա խնդիրների լուծումներից, շին. թույլտվություն և այլն նոր կորոշվի շինարարության սկիզբը:

13. **Հարց 13.** Կարելի է արդյոք 2-րդ հանրային լսումներից հետո սկսել շին. աշխատանքները:

Պատասխան. Ոչ, առանց շինարարության թույլտվության չի կարելի:

14. **Հարց 14.** Երեխաների սնվելու վայրը ո՞րտեղ է գտնվում:

Պատասխան. Խոհանոցը գտվում է նկուղային հարկում:

15. **Հարց 15.** Շոգ եղանակների ժամանակ ինչ որ հովացման համակարգ նախատեսված է:

Պատասխան. Այո, նախատեսված է օդափոխության համակարգ: Բոլոր դասասենյակներն ունենալու են օդափոխության համակարգ:

16. **Հարց 16.** Նախատեսվա՞ծ է արդյոք արևային համակարգ:

Պատասխան. Այս նախագծի դեպքում նախատեսված չէ:

17. **Հարց 17.** Ֆիզկուլտուրայի համար ի՞նչ պայմաններ են նախատեսված:

Պատասխան. Շենքի ներսում նախատեսված է սպորտ դահլիճ: Դրսում բաց դաշտն է, որը սահմանազատված է 4,0մ բարձրության պարիսպներով: Չափերով համապատասխանում է մինի ֆուտբոլի դաշտին, որի շուրջն էլ նախատեսված է վազքուղի:

18. **Հարց 18.** Նախատեսված է արդյոք լողավազան:

Պատասխան. Ոչ, այս նախագծերով լողավազան նախատեսված չէ:

Հանրային լսման ավարտին Խ. Պողոսյանը շնորհակալություն հայտնեց մասնակիցներին՝ նշելով, որ նմանատիպ նախաձեռնությունները շատ կարևոր են, և որ համայնքը միշտ բաց է և պատրաստ լսելու բնակիչների ձայնը:

Պատասխանատու և Վարդ

Արտաշատի համայնքապետարանի
գյուղատնտեսության ու
բնապահպանության բաժնի գլխավոր
մասնագետ



Խ. Պողոսյան

Ձեռնարկող՝

«Մառա և դուստրեր» ՍՊԸ, տնօրեն՝



Մ. Հուսնյան